



Հայաստանի առաջին Հանրապետության հռչակման 95-րդ տարեդարձի օրը պատմաբան Միեր Հովհաննիսյանը փաստում է՝ այդ ժողովրդի միադնական հաղթանակն էր, որովհետև հասարակության բոլոր խավերը և կուսակցությունների ներկայացուցիչները միացել էին դաշնակցական Արամ Մանուկյանի կողին:

Պատմաբանն այսօր զուգահեռներ է տանում առաջին և երրորդ հանրապետությունների ստեղծման միջև:

,Այս հաղթանակի կերտումը դաս էր, միասնականության վառ օրինակ մեր ժողովրդի համար: Եթե այն համադրենք 1980-ական թվականների շարժմանը և Արցախյան ազատագրական պայքարի այդ բուն վերելքին, ապա կտեսնենք նույնականացում՝ ժողովրդի միասնականությունը ծայրահեղ վտանգավոր պահին, երբ դրված էր գոյության խնդիր,- ասում է պարոն Հովհաննիսյանը:

1918թ. -ն հենց այն ժամանակահատվածն էր, երբ Հայաստանը հայտնվել էր միայնակ ամբողջ աշխարհի առջև: Վրաստանը գտել էր իր դաշնակցին՝ Գերմանիային, մյուս կողմից էլ ներկայիս Ադրբեջանը, որն այդ ժամանակ ներկայանում էր Արևելակովկասյան մուսուլմանական հանրապետություն անունով, Թուրքիայի դաշնակիցն էր. ,Իսկ հայկական կողմը միակն էր, որ նվաճեց իր անկախությունը, այլ ոչ թե ստացավ պարզև, ինչպես վրացիները և ադրբեջանցիները պարզև ստացան,- ասում է պատմաբանը: Միեր Հովհաննիսյանը հատուկ է ընդգծում այս փաստը, որպեսզի վերացնի այն թյուր կարծիքը, թե իբր մեզ նվիրել են այդ անկախությունը:

,Այս տեսակետը բնորոշ էր հատկապես խորհրդային և թուրքական պատմագրությունը, որտեղ անընդհատ փորձում էին ներկայացնել, թե այդ Բաթումի պայմանագրի սկզբունքով ստեղծված մի պետություն էր, որ մեզ տրվել էր Թուրքիայի կողմից որպես նվեր,- պատմական ակնարկ է կատարում պատմաբան Միեր Հովհաննիսյանը՝ հավելելով, որ նման մտքեր արտահայտող մարդիկ մոռանում էին, որ հայ ժողովուրդը հենց Մայիսյան հեղուսամարտերի ժամանակ տեր կանգնեց իր պետությանը և ազգին:



One person recommends this. Be the first of your friends.

